

四庫全書

集部

欽定四庫全書

皇清文頴卷五十二

詩

樂府

平滇鏡歌十章

有序

袁佑

皇清丕膺

天祚

祖

宗邁厥德肇造區夏我

世祖章皇帝蕩蕩則

天烈踰三后奄有滇疆至于三危罔不臣服

皇帝聖冲踐位乃吏治之伏惟

皇帝陛下執中廣運睿聖文武綏和庶邦臻於至理滇

逆三桂作藩於斯罔承

聖化部伍繁有徒置竭

天庾民罷財賦

皇帝恤民依

詔俾班師輯其徒旅民勞用息肩逆故昏克輒干大刑

賊我民人叛我疆域誘其類狂毒肆劫

皇帝命出師錫鉞彰

天討彤弓金節虎旅祁祁徃必克我人如望雨

皇帝曰咨

天

祖之威不敢弛火炎於崑楚厥王予一人弗忍緩乃師

許其自悔禍既弗悛

帝赫斯怒秘畧神斷秦閩粵東西湖湘湯湯蜀黔絕險
悉以平逆桂陰伏誅其黨提其遺孽世璠走閉昆
明我師合圍貝子臣章泰寶總軍

皇帝曰爾泰統我六師惟我文武卿士在軍張厥棐伐
以衽席我赤子除克務盡克有賞稽我師者罰弗
宥朕承

天

祖子民夙夜祇懼爾徂征是力泰拜稽首受

命進師破其城南關據高俯城中因獸弗敢窺逆黨以

矢射我軍乞降反戈攻世璠斃之偽將相並授首

捷

聞臣庶歡舞誕被萬國昆蟲草木靡弗向勞用昭對於

郊廟

天

祖來歆雨雪惟時

太皇太后

皇太后樂豫壽愷家國天下時雍光被振古未有廷臣

揚盛美僉上言議加

尊號

皇帝讓弗遑曰惟茲薄海方寧民困待蘇予一人厯如

傷發令施仁尚其懋勤弗怠皇敢自矜於惟

聖德神武化協

高厚雖堯舜茂加焉史臣執簡宜倣尚書大雅宣昭

休問示於來茲臣愚弗勝乃為平滇之歌十章恭獻

黼扆夫黑水三崇之山陶唐氏之荒域其水倒流曰滇

故其地臣叛不恒自漢唐來代有僭據足徵已

皇帝一麾平之六詔九隆草心悅服黑雉白雉來賓

聖子哲孫永隸圖貢賈乎上哉臣謹稽首頓首以詠我

皇帝昭清之駿烈

聖同

天第一章

聖同

天德誕脩河洛瑞錫之疇統系承精一求垂藻火子方
區臣民洽敷政優嘉禾出肉角遊及河嶽懷且柔狡逆
命

天所讐殲厥渠猶穿窬喜起賡擊壤謳永
天眷萬億秋

出師初 第二章

聖衷亦云勞儉玉食宵衣而朝憂吾民之憂民樂陶陶

萬幾率作股肱有夔臯不震動聲以色典學羅俊髦敷
文舞兩階格有苗不忍遽誅緩師撫以招八年惡不悛
天威用昭

皇矣 第三章

皇矣文德赫武功削平巴蜀黔粵通桓桓大畧運掌中
賊衆潰北紱如墉圍城退閉智力窮飛勅宵出甘泉宮
霆發電掃徂三崇六師旄旂捲朔風賊臣倒戈誅元兇
髡人濮人何喁喁椎結耕田樂年豐自西自南車書同

於爍 第四章

於爍

王師我

皇匪黷武蒟醬邛竹那足求弄棟櫟榆

皇祖手闢之疆土賊臣竊據之焚溺我人寧不綏我士

女赫赫禁旅我

皇發縱得所一當十百況如雲雨我

皇受祐于

天廓清六合乃穆穆揮絃而御六合無一頑丕承我

皇祖

民畝 第五章

民畝稅不增軍實亦不寡我

皇如神邁虞夏定紀經章風雅德彌盛威靡假勤遠制
勝靖原野嗟爾孽險何為者恃險空設師如虎縹碧之
鷄金精之神馬我師相羊於其上我師鼓歌於其下

昔夜郎 第六章

逆昔戍夜郎耗

國糜糗糧羣黎膏與血飽飮豺與狼谿壑不可厭輸將
亦孔傷我

皇軫民物措施各有方師還民休息詎不均

恩光賊風懷異謀脅衆滋鴟張短狐何依附連鷄何飛
揚賴我

聖人平遐荒

萬方平

第七章

萬方平濶滄濁水清再駢白馬內附敢閉舊昆明我師
仗

廟畧立墉點蒼下瞰城炙鼠拔草食暴殄金銀寶玉昔
何驕盈亂賊誅無赦舉宗就天刑身毒之國咸謂中朝
有

聖人朝有

聖人蕩蕩慈嶺間貫胸交跡稽首胥來賓胥來賓我

皇慈仁綿綿無期民質風俗醇內咸一德佐外皆慕義

臣逆命褫其魄服威神普天之下莫敢不尊親

於都 第八章

於都我

皇之功虎臣赳赳戮力於疆場

帝曰俞臣拜稽首我

皇之廟謨臣其供奔走上之我

皇

皇不有維我

兩宮大德至仁

太皇之

聖母我

皇孝思悅

聖母之心長生永壽告於

天地嶽瀆

皇祖式臨之

神其默相左右我

皇偃厥武福祿是受

審天心

第九章

凡茲臣庶上當審天心彼冥不知畏僭於衡

天大震雷以風雨淫淫雷震擊其梁棟折其楠天鑒有赫我

皇德具備函載高深聲教訖朔南彼逆之徒空如林卒
艾除之如獵短獸如弋禽青蛉畋町之域我

皇永照臨

山石 第十章

山石何磐磐河有流波安瀾光被四極百爾彈其冠
嗶嗶雍鼓鐘士翱翔於頽罔不歡我師樂室家歿弓脫
馬鞍農夫橫經而耒蠲額除煩和風習習雨霰霰圉扉
草青青徹其垣澤及蟲魚鳥獸般般濯濯來奔禮樂興
靈峙嘉壇功德盛未有乃聖神武文攬槍落紛紛

前星輝

紫微端

聖人有子重喬雲振振睿且詰我

皇貽燕後昆億世海寓乂安

東巡雅十三章

徐元文

上帝臨鑒貺我

皇清我

皇秉聖

三后邁成克誠九區交暢六英美哉

皇度翼翼明明

一章

維歲甲子冬日載融

皇時省方屆於大東

鸞輅震野芝旂翳空清濟漸車靈嶽望風

二章

我我靈嶽表鎮曰岱馳走百神苞并萬態陋彼升封虞
崇是配登覽雲物鬱何靄靄

三章

洪河決潏長江蕩潏

龍艦星移及吳之域惠彼小民湛我

皇德還

御六虬袞服是即

四章

陪尾之陽四源交瀉水哉水哉不舍晝夜

皇過川上神契元化瞻望闕里僕臣趨駕

五章

麟蹤既邈鳳德何長教澤弘衍翊我

聖皇萬乘至止夫子之鄉章縫迎路簪黻升堂

六章

於赫夫子濯濯厥靈肅將苾芬祀事孔明鬱鬯龍勺象

彝犧尊八音克諧羣后駿奔

七章

寢宮嘽嘽夫子所憇

皇陟於庭探索琴佩芳颺猗蘭青浮鐵檜見於羹墻其

容有晬

八章

防阜之林百頃交陰異國珍產蔚為同岑文楷輪囷以
杖以樽擎其叢著穆哉

皇心

九章

穆哉

皇心更

御雕几爰

命毓圻秩爾孫子肆列俎筵進講以次遺經再展

皇心燕喜

十章

皇錫毓圻錦衣貂裘庭列曲蓋以饗春秋毓圻稽首

天子萬壽

皇詔毓圻保艾爾後

十一章

東野支封禽父是宗錫之冠帶以康周公兩聖作師文

其在茲敦儒闡道千載一時

十二章

惟星則煌惟雲則爛

聖藻光輝輝於天漢懋建有極登道之岸昭示萬邦如

日斯旦

十三章

聖武雅三篇

有序并上表

陳廷敬

伏見我

皇上撫御萬方盡有四海內外

恩德鴻龐聲教遐暨比年以來天下宴安而推溯武功

所由戡定則誅三逆以平滇黔粵閩楚蜀外闢察

哈爾臺灣倭囉斯喀爾喀之地幅員之廣超越前

古治化之隆巍巍莫並今

神謨獨斷

聖武布昭伐罪救民

躬行天討大憝授首餘黨歸誠厄魯特全國蕩平捷書

至日雷動嵩呼中外臣士閭巷小民罔不歡忻忭
慶蓋是時

車駕親征馳驅戎壘凡三出朔塞矣當

天衷決策初御六師中朝悚慄僚庶攀留

臣

以年力就

衰蒙

恩矜憐弗允扈從之請自是以來祇遵成

命不敢再瀆

天慈而違離

聖顏日益虔惕伏念

皇上為天下掃除殘賊為邊疆永致廓清跋歷窮荒經
涉寒暑勤勞軍務旰食宵興而臣子安居畧無寸

效今已無事言念

國恩無所稱報猶欲俯竭愚誠撰擬文句敬颺

聖烈傳之無窮而

臣

婣鄙無學尋繹累日莫知所擇竊

惟自古帝王有功於天下其名聲彰著於後世者
方策之所紀載金石之所刊錄聲詩之所流傳後
之人攬其事而遐想其盛焉是以昭昭然若昨日
事也然而其盛者亦不數數覲矣阪泉涿鹿以還
古今稱善用兵者漢之高帝唐之太宗皆自興事
之始乘時構會底於成功若我

皇上聖德而踐天位躬居大寶志切生民仁育羣倫義
征不諛尊臨九重制勝萬里

天威所至攻戰多方撲滅克殘蕩掃巢窟宿寇遺孽一
朝頓除伏卅載之逋誅樹九邊之壯觀殲其渠魁
降其支黨燧烽永息亭堠不施曠古難平之部落
盡為臣僕普天所有之土宇咸入版圖自此寰海
清平兆民樂業集萬年之鴻慶成千古之大功臣

仰窺

聖烈俯稽往古漢祖唐宗起於側陋角一時之雄乘末
流之敝雖精於兵事而我

皇上文謨武烈聖德神功實遠邁前徽矣若夫書冊所
載既有天下優游宮禁之中不過遣將興師身居
其逸坐收其效即間有親征如宋藝祖之北伐明
成祖之行邊宋則失利明則鮮功是以方策金石
聲詩之文彷彿擬比可導揚盛美之萬一者蓋傍
徨震掉而莫知所擇焉求之於詩惟周宣王身為

天子南征北伐有定天下之功雖淮夷諸小敵未
為甚難平之寇而獫狁之伐止於太原皆命臣士
以行事蹟殊不類然其臣詠歌之詞孔子有取焉
唐臣柳宗元本其義作唐雅臣於嚮者滇逆之平
不度固陋竊取其義進平滇雅曾上塵

聖覽今臣伏思後世鏡歌鼓吹之曲未足以盡
聖武之形容仍依古體謹撰

大駕三臨沙漠親平僭逆

聖武雅三篇繕錄以進臣之愚意固以敷宣人事之盛

美而其義則歸本於天我

皇上即天也覆載照臨雷霆風雨天之所以為道栽培

傾覆治亂侮亡

皇上之所以為功彼噶爾丹自外於覆載照臨之內干

雷霆之誅絕風雨之澤蓋所謂逆天者亡也我

皇上天威所臨賊始則沙場靡敗妻孥磔屠繼則衆叛

親離孤雛就縛其卒也我

皇上親揮將士迫抵賊巢賊知逆天必誅飲藥自殺溯
始訖終我

皇上馳驅萬里勞苦艱難若非

親征大舉必不克迅致膚功此人事也即天也至若晴

暘以時靈泉表異水草應候百神致祥旋師之先

甘雨灑郊飲至之日雲陰開霽臣僚擁道恭迎都

人父老孺子瓣香欣躍愜樂慶成臣推本於天之

義由茲益自信焉臣不任榮幸歡忭之至

惟天初臨沙漠安邊靖寇破敵大捷行慶於民振
旅還京武功盛也

惟天惟

帝惟

帝乃天盡天所覆我徼我邊何彼逆驚為我人患

帝自伐之往取其殘

一章

衆曰

至尊毋勞

萬乘我師武臣孰不恭命

帝曰吁哉自昔弔民如水斯溺如火斯焚

二章

帝謂卿士朕必親往彼惡貫盈煽虐滋廣擣其腹心離其支黨安我荒服除彼狙獪

三章

諏春吉日是類是宜

聖謨先定叶於神祇既攻我車既秣我馬峙我糗糧於

塞之下

四章

六龍遄飛闕雲四開師行如山如霆如雷蠲租已賦民

有慶哉屬國謹呀

天子自來

五章

茫茫荒磧伐薪孔遐濕烟不爨萬竈以譁我軍之行晴

空洋洋雨師避道宜暘而暘

六章

帝減尚食哺我士飢飲我士渴朝斯暮斯野曠無水何

以為糜玉鞭所指靈泉瀰瀰

七章

無人之鄉絕轡之野五日窮追賊衆解瓦彼狂何知游

魂暫假不謂

帝來初猶笑啞

八章

寇昏以驚聞

帝自將獸窮突奔心膽墮喪軍扼於途大殲巨創瀚海

塵揚天山簸蕩

九章

築顱於邱波血於河九州百蠻為鑒孔多燕然之山蒼

崖嗟我伐石紀功萬載不磨

十章

都人黃耆扶携來迎鐃吹所歌告武之成桑麻在郊民

熙以耕戎衣一著四海永清

十一章

惟天十有一章章八句

皇矣再臨沙漠相機宜撫降人安兵民武功再盛也

皇矣

聖功邊氓孔安惟

帝念茲冀即於完自我來歸由暑迄寒旅師在野雨雪

其漫一章

天初生民豈擇秀良

帝德好生并包八荒從化者存不龔者亡汝尚能來無

或汝戕

二章

汝家糜矣汝徒嫠矣羈孤單棲云何嬉矣汝尚能來食
之衣之天無不幬地無不持

三章

怙終者誅國有明紀彼頑不悛盜我儲峙師進逐之原
野萬里皆我職方何奔何止

四章

皇命於廷是礪是攻拔本塞亂惟義之中朕不親徃邊
人玃玃我怙我恃豈憚征行

五章

朔風蕭蕭捲我旆
旆翠華載臨儼
涉我郊藩落老稚簞
壺以勞

帝來撫我於險於遙

六章

或擁道周或控馬首

帝顏霽溫下拊以手
如燠如春

恩語勤厚坐使來前
薄饗其有

七章

言幸師營言迫賊壘
烜赫

天聲賊黨破徙其降
如歸其趨如市來者
既多惟恐後

至八章

帝待降人曰彼大辜汝則何罪罹彼毒荼致汝於鋒致

汝于屠其來汝拔爰止爰居

九章

帝謂降人我黎我赤草枯于原冰堅于磧藹藹陽和于

疆于陌盡降其人大醜斯獲

十章

我士我旅歲其云遷

帝念我人言歸言旋凱聲載路士女闐闐

帝威

帝德振古無前

十一
章

皇矣十有一章章八句

武成三臨沙漠禽其孽子殲其渠兇餘黨歸命武

功大成也

武成自初三援天戈惟

皇之命神人以和長彼螽螟奈此嘉禾旣化其類胥顛

其窠

一章

載被載嚴式張我武雲旗飄翩日繞熊虎風颭烈烈揚

於金鼓振矢朱弓不殊干羽

二章

皇眷西土我理我疆於關於塞於邊之墻於隴於畝於河之陽下民何幸近

天子光

三章

皇撫吾民以覆以載是幸是臨恩逾汪濊

帝來人歡

帝行人思六師所過言錫我釐

四章

帝行天中如日正車咨遣兩師以翼漠沙尅日並進毋

謂遠遐角之犄之

天威所加

五章

爰陟爰止狼居胥山四顧藩部於川於原皆我在宥矜

茲彈丸如毒斯螫如爪斯蹇

六章

彼梟日蹙孤雛棲棲我禽獮之檻致於畿人之無良不

保妻子惟汝之為求禍自爾

七章

我師日進言迫其巢卵傾翼折梟困以隤腊斯焚斯不

復遠跳乃如之賊為戒茲昭

八章

戮尸於軍傳首于邊變容慄股孰敢不虔

皇赫斯怒遠人所觀如礪如帶如石之磐

九章

載馳載旋言歸凱樂於以慶成於

郊於

廟載沛

德音四方是告

帝開明堂萬邦畢照


十章

惟天同符以清以寧自此無事泰階永平惟

帝之功與天無極斯歲斯年於萬於億

十一
章

武成十有一章章八句



皇清文頴卷五十二

欽定四庫全書

集部

皇清文韻卷五十三至五

詳校官檢討臣朱依靈

主事銜臣徐以坤覆勘

覆校官中書臣田尹衡

校對官中書臣王彝憲

謄錄貢生臣馬世昌

欽定四庫全書

皇清文頌卷五十三

詩

樂府

平北雅

王士正

於昭

上帝眷德申祉穆穆

聖皇緝熙敬止文德觀成武功纘始藩之屏之磐石之

似芟之刈之四郊以無壘

睠彼滄溟波恬其島睠彼昆池魚咏于藻自東徂西同
風偃草蠢爾荒裔干天之道式遏寇虐肅將天討

馱彼飛隼矰繳射之躍彼兔兔韓盧獲之狡彼克逆天
方蹶之矯矯虎臣薄言伐之

皇網則寬縱乃活之

有鴉有鴉集于桑林食我桑椹猶懷好音彼鴉不若為
梗至今匪殲其醜孰革其心

天子于征

六飛駸駸臣哉鄰哉發言盈庭僉謀止輦

帝鑒汝誠維天憚怒彼毒貫盈天欲殛之敢憚徂征肆其靖矣率土攸寧

歲維丙子仲春辰良類之禡之神祇告祥我馬駸駸我車彭彭戎旅嘽嘽旟旐央央如雷如霆于彼之疆

帝介六馬亦簡元戎或軍以西或軍以東左之右之黃鉞秉中謀夫孔多

帝斷之衷師壓其境以折其衝

熊羆林林貌虎虓吼既掎其足又角其首鼓之擊之如
枯如朽殄之俘之十雉八九一鹿鋌險暘將安走

帝曰還歸彼逆將順奚狡而頑覲收餘燼炎炎不息燎
原將焮龍旗載揚雷鼓冬震肅肅其威雪戈霜刃

陽和布德鷹已為鳩彼眼不化將驚于秋畢之羅之迨
此春蒐耀我組練鍛我戈矛三駕

乘輿西擣窮陬

彼巢覆矣又失其雛彼翼折矣云何不孤天墜其盈遂
降之誅靡遠不服靡惡不鋤疆宇式奠卧鼓弢弧

象輅回鑾敬報

天

祖饗祀升歌亦韶亦武

王猷允塞仁義干櫓功成謙益為函夏主億萬斯年受
天之祐

聖武神功蕩平漠北鐃歌鼓吹曲十二章

有序

杜臻

皇上御極之三十五年春

聖駕既親統六師跋履沙磧震揚

天威出奇制勝夏五月大敗厄魯特噶爾丹於召磨多
之地於是蜂屯蟻聚之衆斬馘執俘乞降而外所
存無幾不可復支噶爾丹竄伏窮荒苟延殘喘

皇上仍命大將軍費揚古等駐軍喀倫將軍博濟孫思
克副都統阿南達提督李林隆等駐軍肅州遏其

奔竄其秋九月

車駕復親臨塞外濟河而西渡堅冰凌霜雪至鄂爾多
斯經畫軍務既密且周其黨丹濟喇刼我餘糧我
師奮擊敗之厄魯特台吉寨桑等先後望風歸順
皇上厚加撫恤並授官職待以不疑噶爾丹齎奏乞降
聖明洞照奸狡一無所施嘉平之月

車駕還京於是賊黨散賊勢困賊計窮今年春二月丁

亥

車駕發京師歷雲中榆林察吏治詢民隱大小將弁閱其能否而黜陟之沿塞垣行西抵寧夏

駐蹕狼居胥山數軍實整戎行轉輸糗糧靡不豐給指授諸將方畧分道搜剿哈密回人生擒其子色不騰巴爾朱爾俘送

闕下諦巴奏請謝罪瑚瑚腦爾台吉濟農奏請朝貢即其親信之丹濟喇及阿喇布灘丹津汪布等咸輸誠歸命於是賊黨益散賊勢益困賊計益窮噶爾

丹驚聞

聖駕復臨朔塞自知罪惡貫盈人神共憤雷霆所擊計
無復之遂於閏三月十三日仰藥自殺厄魯特部
落盡蕩平萬里之外無不納款

天朝稟聲教焉伏念

皇上至聖至仁量同怙冒無念不以愛民為心無日不
以安民為事蠲租賑卹平獄緩刑好生之德洽於
民心普天率土固已湛恩汪濊矣乃躬擐甲胄踰

險阻不憚

萬乘之勞大張

天討者誠以稂莠不除無以培嘉禾暴逆不翦無以安
良善克寇滅則外藩安邊民安中國愈安宵旰籌
之熟矣且噶爾丹非尋常寇盜比其國習於戰鬪
昔年蠶食土魯番哈密諸國凌弱暴寡吞噬無厭
喀爾喀以七旗數十萬之衆喪亡畧盡

皇上屢頒

勅諭令其和好噶爾丹不念

聖恩之浩蕩不遵

睿旨之諄詳憑凌我屬國侵犯我邊界烏瀾布通之役

賊雖敗遁

宸衷未嘗一日忘武備也用是大奮乾斷銳意

親征出塞三千餘里臨赫魯倫土喇之地賊出於不意
望見

天子旌旗大軍雲集乃喪膽奪魄晝夜西奔西道諸將

邀其歸路克奏膚功固由祇承

廟畧實懾於

天威也匝歲之內

乘輿三臨塞外從天而下至神至速乘其潰敗之時即用勦絕其命毋使滋蔓務盡根株

聖謨卓見為民生除害至深遠也元兇既除邊塵永息戢矢橐弓宇內之民莫不鑿井耕田含哺鼓腹共享昇平之樂武有七德禁暴戢兵保大定功安民

和衆豐財於斯備矣臣竊觀史冊遠莫盛於三代
近莫隆於漢唐然郅支斬頡利擒皆遣將出征而
非天子自行鬼方之伐淮戎之平又九州之內非
疆索之外且必俟用兵數年勞師動衆角力爭雄
而後克成厥勲若

皇上睿謀獨運勝算如神掃積年之逋寇不踰崇朝安
絕塞之殘黎登之衽席方之上古軒后之擒蚩尤
有虞之伐三苗先聖後聖其揆一矣五月乙未振

旅凱還

大駕自居庸闕入京文武大小臣工以下士庶軍民耆
老數十萬人夾道擁觀咸呼萬歲歡聲雷動伏闕
上書請加

尊號而

聖德謙光三上不允在廷諸臣及文學侍從之官莫不
抽毫染翰作為歌詩思以抒歡抃之忱潤金石而
咏太平臣臻忝列中樞受

恩深重愧無報稱目覩

聖武神功之盛謹拜手稽首獻饒歌鼓吹曲辭十二篇

庶幾永昭

皇猷盛美於無窮焉

睿謀乾斷親征至黑魯倫靈泉湧庶草蕃

天威遠震噶爾丹驚魂潰遁為揚

聖武第一

聖武布太義扶討不庭張威弧豫順動萬靈趨蒼兕躍

朱鷺娛平沙彌望

后來蘇淝澗澆澗甘冽膺竿眠鋪芬變荒塗德馨暢
皇謨訏申九伐用三驅墮挺險慄負嵎巴顏空土喇枯
驚風竊宵遠逋仁無敵亶匪誣

右揚

聖武二十六句

師出三路

宸衷預料寇必由西路逃遁遣將堵截果遇於台磨多

大敗噶爾丹斬獲無算為

神幾捷第二

神惟幾疇與通惟

至聖協於中萬幾裕應無窮誅小醜貔虎雄四甄布七
翼置九伏攫八門籠躡三窟羅獷獫料西路寇懣懣張
我軍氣如虹脫厥角摧枯叢批亢捷擣虛工台磨多銘
皇功

右神幾捷二十四句

賊既潰遁仍

命將駐旅喀倫肅州指臂聯絡

睿算深遠萬非常識所測為峙金湯第三

占敵遁幕烏鳴聽吹角知潰聲載古籍美厥明千載我
皇定玉衡鯨鯢已截彌布紘前茅蹕後勁隍橫雲却月
遥崢嶸丈人吉叶師貞倚角勢賊聞驚釜魚息螳臂橫
維神武掃天狼賀蘭高拂雲晴閱細柳廓旃旌欽

睿謀密且精

右峙金湯二十五句

丹濟喇盜刦餘糧復為我軍追逐奮擊敗之為踣
獬獸第四

逆天誠萬古垂況餘燼曷能支戮溫禺釁鼓糜斬谷蠡
膏長鉞期門奮天策竒黃纛葢中權曦翠蓋臨絕漠祇
餓梟喙徒妄窺彼遊魂墮釜錡雖回旆留熊羆殘必斃
寧久為告脅從毋自底

右踣獬獸二十四句

聖駕丙子冬復

親臨邊方渡河至鄂爾多斯經畫詳密恩威並用賊黨
盡歸命為天駟煌第五

星鉦輝月羽賁鉤陳統動天駟載旆師凌朔吹河水堅
鳥章織

皇之威嚴霜同愴

皇之恩挾纊共被寨桑輩接踵至膏大澤樂生遂悔從
前如夢寐寒者衣飢者飼仰

皇仁消偏陂

右天駟煌二十二句

今春

聖駕復臨邊方西踰寧夏

駐蹕狼居胥山震揚

天威分布禁旅為

天行健第六

豫雷奮嵩呼齊解澤敷塞卉萋韎韐有奭震路輦王旅

暎暎穴蟻何迷轉天鍵含天倪塞草被光潤春溪驛騶
嘶六鈞剡木七屬函犀靈鈔三舉金僕共觴耀紫焰太
白西殲封豕若醢雞扶巨魑類穉麋望

黼座厥角稽叩旌路厥首泥睹

天顏雲日躋

右

天行健二十八句

睿算如神指授諸將方畧擒賊子檻車械送瑚瑚腦兒

輩又率衆來降為弇孤雛第七

睿作聖伐謀遙握勝算指招搖盧矢授彤弓昭諸將遣
呂醜么狼河堵雁塞剽欲逃死何方趨覆巢罄毀卵凋
自貽戚共灰燹大鵬隕况鷦鷯語逆漢歸

天朝歸

朝咸樂土仁天同戴堯

右弇孤雛二十二句

天威四布賊氣竭途窮噶爾丹仰藥自殺餘黨來歸厄

魯特盡平為伏天誅第八

牙璋燦羽葆悠槍纍布儲胥道彼狡獪命馬留梟噪絕
狐鳴蹂凡敗類盡虔劉仰藥死墮鬼幽盡殄滅等散漚
蔚嘉禾去賊蝨旗影陰山靜笳聲落照浮日月高曜永
照金甌突梯鼠首遙懸竿鉤荒煙朔雪萬載清瀏

右伏天誅二十四句

聖駕三次臨邊調兵籌餉冒暑衝寒備極煩勞功成回
鑒百官萬民感刻夾道歡呼為衢歌繁第九

六飛遄往三駕徊翔羽林十二昭回生光桓桓將士電掣龍驤仰華蓋耀紫芒

廟謨密陣堂堂飛菽粟千斯箱統虎賁殿中黃歷炎曦冒雪霜惠我人斯春風春雨

帝車之回夾道拊舞黃童白叟名香頂炷恩斯勤斯敢忘復顧

右衢歌繁二十四句

神武覃敷逋寇絕滅黨與盡皆歸順普天胥慶永樂昇

平舉行典禮昭示中外為武功成第十

揚休光滌焚盭遍垓埏昭無外歡呼山欲動歌舞路靄
靄億兆同心氣結

鸞輿蓋羣靈助順祥籠羽儀潏榮光沕穆呈佳氣鬱律
會綵甲三階融紫膏萬頃泰軒罍露結瑞葩雲生棟神
貺嘉典禮盛

景福遐

右武功成二十句

省定大勲實為千古帝王所不及行健如天度幾
如神編輯平定北寇方畧昭示無極為光芝檢第

十一

秬鬱馨格皇天雲亭石昭萬年澤馬獻路車連金泥煥
玉檢宣命太乙昭瑤篇烈火熾鴻毛然疾風颭秋籜捐
鐵山碎擴幅員亘神武日月懸倚劍崆峒外魏莪貞珉
鐫

右光芝檢二十句

絕塞數萬里外自此更無不臣之國不服之人太
平盛業益增太平為陳王會第十二

共球盛萬國歌干羽舞兩階和旅葵貢歷山河越雉獻
重譯過紈牛露犬珍異四羅茲白乘黃庭實孔多睢盱
盟伊睹

天顏霽天馬蒲梢極天無際環海十洲如帶如礪來享
來王及其苗裔雙觥共觥同柯連理億萬年王會麗

右陳王會二十四句

皇清文頴卷五十三

欽定四庫全書

皇清文頴卷五十四

詩

樂府

聖武功成鐃歌鼓吹曲十章

陳 論

皇上怙冒遐荒德威丕著肆征弗庭罔不耆定為

聖武昭第一

皇建極臨萬方九功叙六師張克逆藩斧其吭清海氛

波不揚神謀秘畧由廟堂逆節盡芟夷風雷萬里馳窮
荒絕徼聲教阻天戈所指均披靡稽典籍黃虞時威四
盜定三危我

皇功烈烈如此以今方古何云奇海內有不順者滅亡
自取之

右

聖武昭之曲二十二句

狡寇厄魯特噶爾丹怙恃險遠擾亂西北邊屢敗

屢竄未抵厥罰

皇上決策親征為行天討第二

蠢茲逆孽為塞垣賊虢虎獨獠自矜無敵我武維揚滅
此朝食布告中外窮邊親涉羣工留

駕彤墀搏顙

帝曰汝曹所見殊爽朕無成算朕肯輕往決機制勝賊
在股掌黃鉞白旄氣吞罔兩嗟爾罔兩不早釋仗

右行天討之曲二十句

尅期誓師遂潔誠裡祀

天地

宗廟

社稷告以為民除害至意為虔祭告第三

皇澤渥

皇心仁不肯無故勞征人逆寇苟不除肆虐荼邊氓乃
擇上戊乃擇上辛禱

厚地籲

蒼旻

宗廟灌獻齊精禋惟爾有神尚克相予以濟兆民明德
惟馨通帝闡高靈降歆錫福新迅掃逋寇如飛塵

右虔祭告之曲十五句

鷺馭未駕先遣大將軍費揚古及孫思克等分道四出
以遏賊歸路為命將帥第四

雄虺雖猖顛獐必撓如掩諸困獸先防其遁逃時

皇帝坐法宮簡車乘集元戎此扼其西彼掩其東面授

方畧如運之掌中殲賊訖授汝鉞放賊脫唯汝罰貔虎
熊羆張捷伐指揮既定六師乃發

右命將帥之曲十九句

聖駕一涖邊庭沙漠絕塞泉湧草茁萬象皆春為嘉祥

應第五

苦寒地西北邊野無草坎無泉平沙萬里空人煙六龍
降臨春來自天王珮聲泉涓涓綠羅色草芊芊馬騰士
飽爭闐闐昔禎祥史冊布飛卿雲灑滴露不過耳目娛

何關軍國務吾

皇誠感天乃顧靈泉瑞草真堪賦

右嘉祥應之曲二十句

上軫念邊氓亟為除害三十五年春至拖林冬至鄂爾
多斯三十六年春又踰寧夏抵狼居胥山不憚殊
勞克成偉績為三出塞第六

昔為君坐秘殿居深宮沕穆端拱凝休隆今我

皇沐塞雨櫛邊風積勞茹苦成奇功天山雲嶺再三出

縣歷寒暑更春冬須識

聖人心不在耀威武除稂莠以惠嘉穀要使邊氓樂安
堵解衣推食激士心百萬兜鍪盡如虎吁嗟邊氓爾何
知知樂太平式歌且舞

右三出塞之曲十九句

帝德同天宣布絕域厄魯特台吉寨桑人等慕義來歸
者相屬皆厚加養養兼授官職為廣招徠第七

虺可化獠可馴矧彼含齒帶髮名為人傾耳聽感

皇仁前除舊染圖維新叩頭齊款塞願得儕編氓
帝勿汝殺悉汝祿厚其恩養加章服鷹眼化為鳩挺險
胡為工走鹿傳語我長我父兄棄逆効順俱來廷光天
化日過此生毋守土穴隨鯢鯢

右廣招徠之曲十六句

狡寇就殲西北塞數千里悉我臣妾荒徼絕塞間
更無不順不附之國為大無外第八

國家八荒臣一切獨此么膺偷作孽偷作孽自取滅鐵

額銅頭鎔一血

天兵電掃無遺孑從此率土欽

皇風東西南北章亥所步盡來同譬如長天無點翳蔚
藍萬里日正中譬如大海環東南江淮河漢萬派都朝
宗幅員廣大振古少昌期景運興隆隆微生何幸獲躬
逢

右大無外之曲十五句

邊烽既靖

上憫將士行間况瘁下令班師為凱歌還第九

南風熏淑景清班師振旅還神京鐵甲耀金戈明千乘
萬騎如雲行俘纍丁壯兼孩嬰前呼後應凱歌聲

至尊法駕入國門千官萬姓夾道迎山呼動地如雷鳴
一人勞四海寧女安織男安耕放牛歸馬慶昇平

右凱歌還之曲十六句

諸臣民以

皇上功德寬高崇上

尊號勤懇再三

上屢頒諭旨謙尊弗居為辭

尊號第十

皇上功德亘古得未有震號同雷霆覆載齊高厚羣臣萬姓黃童白首頓顙向

楓宸至再至三勤懇陳巍巍蕩蕩至德難名贊天誦曰
罄愚誠

九重幸無拒慶徧率土濱

皇帝曰吁焉用之摧枯振落何云奇安愈圖安廼所期
官曹飭簠簋田畝勤耘耔薄海內外保昌期古來郅治
推軒義豈有殊號傳今茲

右辭

尊號之曲二十二句

平北雅三篇

宋駿業

成命篇第一

天子自將出塞靖邊塵安萬民也

皇受成命惠此萬方我詒黍稷我時雨暘維山乃棧維
水乃杭寄觀象譯罔或不王一章

彼狂不順敢盜我邊聚頑嘯兇螽疾蟻延

帝命惠來文告往先彼狂卒迷廼絕於天二章

皇奮厥武太常建羽以類以禡帥是羆虎

皇誓於師親執路鼓鳴鐺振鐸繕我士怒三章

皇命虎臣出車於西乃翼乃角乃鏃乃挽

皇猷允塞衽席過師穀我天弧以射妖蜮四章

王旅嘽嘽踰彼沙磧小大頓顙蕃畿來格有草斯甘有
泉斯溢士飽而歌同仇是索

五章

王旅嘽嘽如川如嶽進次於河拔其距角千夫一勇是
鞬是掾血馘以釁

皇功維濯

六章

兇徒既誑拉如枝披竄于窮野還我西師首矛重弓兇

甲虎旂載踣載趾載剗載廟

七章

師干之武神謀丕奠萬里風披有征無戰龍荒狼望眎

我畿甸仰父俯子式歌以譏八章

威振西戎朔庭遂空邊氓燕喜

上帝錫祉麻麥朦朦禾黍芄芃億萬斯年維

天子功九章

右成命九章章八句

皇祐篇第二

天子再出塞料軍實決機宜也

皇祐下民亦既勞止顧茲兇醜窮荒作瘠既剪既蹙靡

覺靡悔震霆殷天巖處塞耳一章

鳥獸之伏越有噬攬顧彼兇醜其跄或躍

皇命虎臣整我疆索敬修我戎張皇武畧二章

爰峻爰守爰徧爰誘地紘斯張天畢斯覆

王言炎炎先迷予宥孰是赤子絕於父母三章

皇有正命往巡北邊出謀發慮制勝於先朔風奮發澤

腹既堅惠是黎庶乃益乃前四章

左纛旆旆和鸞噦噦

皇于修戎於塞之外振我

天策滅此狡獪邊氓歌舞繫

皇之賚

五章

兇醜駢矣且顛而僵游魂或變窺我糗糒

王師奮擊乾坤雷礮為獍為鴞往作爾殃

六章

其殃孔亟部攜族倫左蠡右賢鳥伏獸蹲歸命於

皇既悔既悛

皇曰爾來爾維我人

七章

天子曰嗟予其休士還軍於代代人咸喜或罽或鼓於塗於市旄倪駢闐媚於

天子八章

蜡月維吉

皇乃還歸父老稽首願留母違

皇用勤民服是戎衣外靖內安維德之威九章

右

皇祐九章章八句

天監篇第三

天子三出塞兇醜窮蹙服天誅集大功也

天監有赫繫德是親維

皇翼翼至誠格神蠢爾小醜敢梗不馴

皇三震之鼗鼓金錚一章

維

皇勤民於山於川匪徼匪棘

天討是虔毋縱寇虐以靖我邊武車綏旌陟降連連二章

皇莅於涼格我多士桓桓多士維

天子使我徒我車我行孔舒蕩其穹廬至於狼居

三章

維狼居胥朔野之極

皇親莅止舜禹是則贊寶請臣徧於蕃國豈伊武功上

帝與德

四章

彼兕有子乃縻乃俘彼兕有臣莫究莫圖震我師武戎
兵是祛震我德音腹心是輸

五章

天地大矣彼兕罔匿自戕自殘伏天之殛蠢蠢餘醜心

與面革蠻夷蕃鎮遑敢作慝六章

乃諭乃拊載歌載舞北荒即序允

皇之武

皇武既張

皇風既揚區外萬里我階我堂七章

皇乃振旅至於京師獻社告學於

廟受釐橐弓衅甲文德是施仁風滂洋萬邦洽熙八章

皇勤於民弗遑啓處殄此兇醜邊患是紓

上帝眷之富以麥黍惠我萬邦既壽永昌九章

右天監九章章八句

聖駕北巡饒歌四章

沈涵

撫萬國頌

皇上天威北指厄魯特遠遁

廟算宸謀度越千古也當漢擁離

天子撫萬國愛護原無私強者不得肆弱者與扶持要
使宇宙含生受氣屬盡為赤子同熙熙厄魯特爾何倔

強沙漠陲荒磧自跳躑爾安爾生吾不治奈何憑陵與
國窺伺藩籬

命大將擁熊羆直臨瀚海翦谷蠡遣使先將威德諭抗
逆不諛

天兵隨金鼓震戎車馳大鉞一麾妖氛靡挫彼猛噬勿
窮追成湯祝網施洪慈咄爾厄魯特何不稽顙來朝同
沐

天子德肥牛重錦黃金羈自竄窮漠將何為惕息匍匐

良可悲

右撫萬國一章章二十有七句

乘法駕頌

皇上大駕巡邊喀爾喀等懇切抒誠願同四十九旗一例也當漢君馬黃

乘法駕出紫清曳鸞旂張龍旌羽林金甲耀虎賁繡韎輕薰風滿道飄笳吹萬乘臨邊御虎城歸命侯王厥角拜感恩君長負弩迎扶老更攜幼感泣共抒誠盡言往

歲苦奔竄荆棘無聊生復言今年樂牛羊蔽野馬縱橫
出我湯火登衽席秋毫皆賴

帝力成世世願附為編氓

天子嘉乃款大賚加恩榮醴酪千鍾賜魚龍百樂呈
至尊含笑臨其營顧令按轡徐徐行大者封王小台吉
佩章紆綬表忠貞推將赤心置人腹誰不鼓舞頌

聖明

一人輿暫駕萬里盡銷兵慶賞畢回玉京明堂端拱享

昇平

右乘法駕一章章三十有四句

紫壇高頌

皇上德合天人

鑾駕還宮甘霖屢沛萬民胥悅也當漢芳樹

紫壇高結凌蒼穹靈符牒徧蛟龍宮潭中老龍不一應
咨訪民莫勤

丹楓須臾炎飈散煜燠白晝隱隱雷聲通雷聲漸殷雨

驟至上林萬樹皆空濛
詰旦郊農報霑足
麥苗菜甲俱
芄芄謹呼萬乘北地
迴雨師風伯先驅雄
乃知

天心感至德特為

聖主掃旱熾周王除
殘雨隨至吾

皇撫弱雨亦從誅
殘撫弱事雖異
仁心感應理則同

皇衷自有千年澤
不用蜿蜒潭中龍

右紫壇高一章章二十句

六龍旋頌

皇上敬

天勤民還宮三日齋祓告虔親詣北郊行禮也當漢上

陵

翠旗颺暑六龍旋

帝德無外中心乾撫綏事畢祀典先預修齋祓居甘泉
將於

地祇致精虔海日欲起瞳矐鮮玉輦泣止方丘前從官
燦列星麗天既灌焚燎升紫烟樂奏咸池琴瑟宣百靈

翁集歌几筵介以景福屢豐年

右

六龍旋一章章十有二句

聖駕南巡風謠十章

彭會淇

斗東指兮初春撰吉日兮良辰條風布兮解凍細雨霏
兮灑塵吾

皇來兮夙駕快盛典兮重新

一章

渙大號兮先庚重軫念兮民生禁供億兮費省簡騎從

兮裝輕吾

皇來兮不擾瞻輦路兮風清

二章

潞河泮兮流澌笳鼓鳴兮解維陽侯助兮旆舉義和馭
兮舟移吾

皇來兮容與紛扈從兮追隨

三章

金根度兮芳洲

鳳舸乘兮安流侍晨昏兮定省借山水兮優游吾

皇來兮有喜隆孝養兮千秋

四章

日遲遲兮景舒路坦坦兮道除眺浮雲兮海岱指樹色
兮淮徐吾

皇來兮孔邇適我願兮匪虛

五章

攬萬幾兮維康急先務兮河防桃花泛兮千里瓠子歌
兮一方吾

皇來兮相度為斯民兮慮長

六章

紫雲蓋兮重重碧波漾兮溶溶牽錦纜兮堤綠映畫櫂
兮林紅吾

皇來兮樂只勤清問兮從容

七章

波浩渺兮江清宛中央兮浪平拋玉尺兮魚躍聳琳宮

兮山迎吾

皇來兮攬勝歌喜起兮載賡

八章

布穀鳴兮杏花菖蒲葉兮稻芽襍車騎兮耒犢倚旌旆

兮桑麻吾

皇來兮觀稼樂婦子兮喧譁

九章

龍舟停兮雲凝

鑾輅舉兮日升簫管吟兮細細香煙結兮層層吾

皇來兮至止滿衢路兮歡騰十章

大駕南巡樂府四章

有序

趙執信

康熙二十八年春正月

大駕南巡三月至會稽而還茲行也省方問俗布惠施

仁凡諸美政考之書傳實所罕覯

臣

以弇鄙食祿

無效謹為歌詩四章隨衆錄進非敢曰揄揚萬一

期於紀實云爾

東南春道路無擾也

青帝前驅迴日輪

萬乘行布東南春馬蹄初踏近郊雪龍旗半捲遙空雲
岱嶽峯連會稽起

鸞輅如天蓋千里金吾不警清路塵羽衛無聲映江水
山川景色欣相催

至尊六年一再來東風先期作供頓江南二月梅花開
白叟奔迎黃口笑共指香烟辨

天貌何似漢代諸老人扶杖但聽君王詔

歲星謠蠲租稅也

歲星熒熒行危虛東溟作帶聯三吳

詔書有似應時雨一瞬萬里同霑濡齊兒飽食樂鉏耨
意滿不慮明年須江淮人家遞相賀灑然宿痼新痊除
門前縣吏噤不呼長官威重今薦迂村村社鼓競春酌
欲陋葛天凌黃虞田父擊壤歌作息謾道毫釐非帝力
但願吾

皇一歲一來遊笑語婦子何用憂

江水清吏知法廉也

河水何洋洋江水何湯湯誰能引北斗挹此清流長六
龍行天挾雷雨雨作懷柔雷作武天吳為導靈怪潛不
用然犀照牛渚二月水暖菱蒲青東風無力春江平樓
船漾影入雲際飛鷺游魚時自驚中流安穩遲蘭漿應
笑橫汾意鹵莽待將百谷付陽侯千古濁泥胥滌盪

桃花然變民俗也

江上桃花如火然人家染帛如桃鮮春來酒熟魚米足
飽暖莫問囊無錢一朝喜迺

鑾輿至錦綵成行競僂媚豈知夏后惡衣心不取吳兒
竿木戲分明

天語聞咨嗟唐風舉似儉可誇始信

至尊惜物力肯教西北豔繁華秦淮青旆搖明月西湖
白絮飛晴雪刑輕賦減家贏糧管絃壺榼嬉何妨

皇清文頴卷五十四

欽定四庫全書

皇清文頴卷五十五

詩

樂府

田家太平樂詞

史夔

勿剪松樹枝勿伐桃花林桃花好顏色松栢多貞心惟
彼樗與櫟可以礪斧尋束薪送山店濁酒獨自斟醉枕
澗邊石醒披風際襟滿身帶巖翠晚唱餘清音

右樵夫詞

前頭兩黃犢後頭一烏犍隴上戲相逐策策揮長鞭口
吹蘆葉管手簸榆莢錢扳角上牛領解衣臥蒲韉牛饑
有細草牛渴有清泉牛肥吾已足不去蹊人田

右牧童詞

蓮房如蜂窠蓮實如蜂子月下唱歌來蓮舟輕如紙半
篙清淺間一鏡空明裏紅衣落已稀翠蓋欹還倚暗香
如靜女素質無泥滓長懷不染心歸來讀秋水

右採蓮詞

小麥穗雙歧狀如燕尾張大麥叢芒白狀如馬鬣長黃
雲徧四野飛蛾不敢傷鎌刀響霍霍刈割齊登場打曬
當及晴霏霏白於霜飽食太平飯家家餅餌香

右打麥詞

雨前雀舌短雨後鷹爪拳茶人相和歌隔塢聞清閒時
平蛇虎遁春深風景妍茶租以時歛茶山即良田上芽
為帶銚中芽為壓甑驚雷掀百草比屋焙蒼烟

右採茶詞

聖駕幸闕里樂府十二章

金居敬

聖皇若稽古

金輅時東巡望秩禮璋瓚肆覲享桓信采風察幽隱徧
德逮黎民行行指吳會設教

天語諄父老扶杖觀過化俗已淳揚舲渡大江羽衛轉
鉤陳

顧問誦訓氏師表志龍蹲還

蹕經鄒嶧原泉契道真稷門駐六飛芹藻先知春

帝心祇夙夜祠官戒惟寅一章

經籍有典祀釋奠

先聖師尼山集大成麟紱端門期宗祊屢改築辟穆存當時

法駕在齋宮宿設駿司儀奉引導鹵簿庭燎儼威燾我皇既下輦從官行如馳有嚴升獻竿拜典三肅祇雅樂傳登歌禮器列象犧太常讀祝版自天親製辭望瘞神

歆歆

皇帝受蕃釐 二章

典祀已告備還

幸詩禮堂欲觀聖人後論說宜精詳魯儒悚

天威鵠立黃案傍虎賁盡聽講階序翼冠裳展書命敷

陳

聖聰達洋洋三綱具八目十翼披首章體用惟一原內

聖而外王典學亶緝熙虛受來賡颺

天語如春溫嘉獎教澤長

申命諸子弟守先罔不臧

三章

禮成誠已格

聖心重低徊八音聞魯壁六籍出秦灰二千有餘年泉
冽井幕開奇表四十九肖者其誰哉古檜發故根旋紐
如手裁摩挲垂

睿想作賦耀昭回祥符諸贊在屹石立崔巍漢魏及隋
唐碑刻數枚枚惟

聖事師古

垂問及尊壘從茲一顧恩舊物拂塵埃

四章

天仗出北門雲旂映涑水直視若斧封列栢二三里榛
蕪本自除輦路平如砥

至尊拜稽首酌酒爵再洗文鳥雖咭鳴奇木縱橫理生
著自幽贊植楷從弟子山祇欣望

幸燦然呈衆美瞻言駐蹕亭苔蘚上階屺自從祥符來
寂寥向千祀

皇德乾比崇高標越前軌

五章

大典登喬皇

湛恩施汪濊先後其揆一喜起際交秦時邁臨魯邦鸞
聲載噦噦道古婉軒義萬年頌嘉會琳瑯

天葩芬葳蕤曲柄蓋篇章昔曾有孰似

聖謨大麾仗昔曾留孰似

今皇賚丹書炳常新函覆極無外榮光燭蓬蓬白雲紛

靄靄還令望氣者瞻仰莫能繪

六章

上天降豐澤人待於下流

賜書出中秘

寶翰煥層樓九章

錫上公蒙茸貂鼠裘四姓與執膳金綺沾渥優申以好
爵縻組綬若若衷爰進諸父老嘉乃服先疇無出今年
租負載休車牛自今勸力穡謹節供旨羞阡陌齊歡呼
常願奉

宸遊與天並巍巍雨施徧遐陬

七章

天子有後命

寵光比進律灑掃給百戶卒史實統率自從建寧來舉
廢待今日禮樂與兵農一命咸朝秩免溝虛幽宮馬鬣
安且吉繁衍祔域兆纍纍華表密至仁及骼髡顧此
宸衷恤

制曰增式廓先聖所貽翼傳之億萬載特書史臣筆

帝紀二十三孔世六十七 八章

承祀間平賢繼絕大號渙姬文繫乾惕

聖功勤宵旰太極置

御座西銘表

宸翰契合今古同殊數自

聖斷元公啓魯宇末胄負薪嘆二儒修承嘗青衿奉薦
盥

皇情為軫惻次第

天書爛新廟載奕奕

睿藻垂琬琰世官奉俎豆胥樂式燕衍連及濂與闕頌

聲溢壁泮九章

惟

聖始知聖謚號無庸加開元及祥符制詞罄褒嘉

天言發要奧

綸綍同宣麻

奎章效懸象龍虎勢攫拏拜手揚

天休琢玉籠絳紗恭請

詔天下不敢私一家

帝乃可其奏置郵環海涯殿版燦金薤重簷標丹霞師
儒得縱觀軒車塞闔閭中郎太學碑瑣細不足誇十章
粵自唐武德篆刻傳鼎臚迄乎明三宗製辭屬睿思繕
寫付中書曾未親書字

皇帝崇聖師齋沐撰碑記神腕運八法游藝兼龍穗採
山斲貞珉方舟隨水致陸載還魚兩使華實董治彫鐫
出供奉摩畫稱

天意

御亭聳霄漢碧瓦

上方賜宮隆映紫薇鎮魯俾昌熾

十一章

千齡表

聖瑞九域頌

皇猷重道紆

帝車

紫宸臨奎婁中和建有極備至靡前儔草茅充載筆鑽
仰喟末由遂古紀典謨執簡非常流下逮元和中韓柳

揚歌謳兩儀施莫謝二曜譽難侔含毫幾欲腐掩卷徧
諮諏揄揚萬分一昭揭垂鴻休顧慚多掛漏撫己心恟
恟十二章

大駕親平沙漠還京凱歌七篇有序

姜宸英

臣聞王者之師有征無戰其不得已而用兵非為
生民除患害為萬世詒治安則弗舉也我

皇上文武聖神之德度越前古自御歷以來削平三孽
內消藩鎮尾大之患開郡海疆外控浮航萬里之

國

神樞闔闢出天潛地

廟算所指雷動飈馳固已遐至邇安中外禔福遺萬世
無疆之祉矣厄魯特噶爾丹者向蒙

國家覆庇厚恩不知感戴反肆其爪距屢懲不悛罪大
釁極自取滅亡

皇上惻然思為民除之以為不一勞則不永逸於是上
稽於天內斷於心遂下

親征之詔命所司儲峙既周分師三路

帝車中運襦牙之日祥風來應軍行出境屬國羣瞻自
初發迄於迴

鑾首尾纔八十日已絕大漠渡克勒河朔徧躡賊境至
於拖諾山逼巴顏烏喇賊方驚我師從天而降喙
奔不暇而

皇上所遣兩路大兵已分師逆擊大破賊於昭木多之
地矣夫

親屈萬乘之尊遠臨絕轡之野勞身損膳以為民擾患
至仁也軍興之際不撓衆說不避險艱平行大漠
若從枕席上過師

黃鉞一麾所向披靡三月之間頓成掃盪至勇也至於
選將授律決勝帷幄因機制變鬼神莫知此非天
下之至明至聖不足以與於此臣謹按周禮大司
馬王師有功以愷樂獻於社大司樂王師大獻則
奏愷樂愷樂者即後世鐃歌鼓吹之所本也漢世

謂之愷歌臣愚不敢妄擬前人唐雅之作輒製成
愷歌雖辭義淺陋懼不足以發皇

聖功萬一特其區區歡愛之誠懷不能已或亦使天下
之仰慕景爍者謂臣身依

輦轂耳目所親聞見以視他日金石之奏史冊之傳亦
有足考信將來者也謹稽首頓首撰列如左

皇矣頌

宸斷也師出之際羣臣懇留不允

鑾輿一駕遂以成功

皇矣受命罔不臣僕孰為狙獷擾我邊域爰整我旅爰
飭我車赫赫

皇猶與天同符經緯密勿筮龜叶謨羣臣合辭以

遣將請

皇帝曰吁朕志先定既類既載六師爰發汭鋤元凶維
天子功

右皇矣十八句

有山崔巍述貞符也明成祖永樂八年北征樹碑
塞外山頂云四月十六日壬子大討過此

上亦以是月二十七日壬子

駐蹕此山

有山兮崔巍緬雄圖兮此裴徊翰海鐔兮天山鏑告我
幾先兮誰所作四月壬子

皇亦臨止匪神曷徵唯德是俟莫莫廣野疇收其馬於
萬永清茲山之下

右有山崔巍十二句

從軍樂恤將士也

上軍行每至險道加意拊循與士卒同甘苦

御膳日止一進時徹膳令將士會食以是士益感奮

從軍樂莫問寒與饑上下山阪側臨洄溪十步九詰曲
雨雪沾人衣伐薪不得然何用斧冰持作糜忽聞

天語降拊循多苦辭

尚食一御當食思徹我盤中餐與爾共哺之三軍同挾

續頓令萬竈生炎輝拔劍猛氣縱橫馳身不盡敵今何為

右從軍樂十七句

絕大漠頌神武也

上以五月初九日

親臨大漠十二日追賊拖諾山知己先遁時

車駕親追已五日矣乃留平北將軍馬思哈率兵窮勦躬帥大軍迎糧而還

絕大漠鑒寘顏昔聞衛與霍豈如

六龍駕來九天飛廉作御列缺鞭五日蹴倒祁連山流
鋌攬掣飛刃倏爍禽驚獸喘魂悸魄落晨鼓中嚴傳號
令我師西來寇方病矯矯平北於汝命俘厥巨魁視軍
正

皇曰旋歸萬邦慶

右絕大漠十五句

二儀樂好生也

上以抗命者惟噶爾丹一人其餘脅從皆吾赤子開示
誠信諭其歸降

二儀剖判爰初生民混然一氣孰遐匪親爾幼爾螫爾
長爾磧驅之鋒鏑令我心惻順來勿遲衣之食之觀望
回惑後罹其災厥類惟夥傳語福禍曰惟
天子活我無不覆今天之大茫哉幽谷

鴻恩沛

右二儀十七句

雄狐美諸將能稟

神算成大功也初

上遣費揚古等從西路逼賊至是噶爾丹計窮西走大
軍扼之于昭木多合戰大破之斬戮俘馘無算

雄狐掉九首自矜窟穴多途窮迫奔竄觸處遭網羅將
軍振天聲舉手陸江河當其跳踉時懸命在斧戈熊羆
從西來鼠突從東過相逢叱咤間積尸高嵯我四野樹
降旌逃命惟六羸游魂豈終朝狂孽貽天訶弓盧為我

池狼居為我阿明明

廟堂算螳臂其奈何

右雄狐二十句

歌愷旋樂寇平

大駕早還也是月九日積雨新霽

駕由得勝門入臣僚士庶拜覲

天顏謹呼塞道

歌愷旋樂成功我出我師攝提指東我師聿歸鶉火正

中致天之伐於彼有罪

皇弗寧居敢告勞勩日下琴麗鳳蓋翔弓矢載橐三辰
光填城懽舞迎道傍短簫橫吹笛清商鐃歌奏溢萬方
溢萬方

祖考格第有功章有德用虎臣於外封豕行自殪九譯
來同羣生咸遂於胥樂兮自今歲

右歌愷還二十五句

聖武遠揚青海平定鐃歌三章

有序

錢陳羣

皇帝御極以來文德誕敷武功赫濯凡有血氣之倫莫不向化恐後乃羅卜藏丹津者梟獍之性飽則辜恩虺蜺之心生而肆毒神人共憤九伐宜申

命將督師討之甫旬日而膚功克奏蓋由

皇上運獨斷之明炳先幾之哲收聚米之形於掌上定破竹之勢於禁中不煩一兵已俘小蠹語云仁者無敵亶其然乎捷聞之日布喜天下

臣陳羣
恭效

唐時鐔歌體敬賦三章以紀功德庶幾歌詠昇平

志萬方同慶云爾

我師深入直搗賊巢羅卜藏丹津窘迫逃竄為麋
之窮第一

麋之窮竄荒谷一步一跌離爾族棄爾羈羶服婦服
皇威震賊勢蹙長繩萬丈行就縛自罹咎匪予戮

上天豈爾遺覆育飲我馬整我師釜中魚徒爾為土茫
茫欲援誰奪魄者準噶兒

右麋之窮十八句

賊黨渠魁既被擒又獲賊母阿爾泰喀吞為賊母

俘第二

首飛蓬面凍黎賊母俘青海西
舐鎗誓風淒淒今被獲
冰未漸將軍寶刀膏鷗鵜不數漢家金日磾子奔竄母
含悽未拏戮待金雞

聖武耀封鯨鯢

右賊母俘十六句

捷音奏聞適

皇上詣學大禮慶成臣讀魯頌泮水之三章云順彼長

道屈此羣醜魯侯服也何足以媲美

至德而國與天下義有同焉為屈羣醜第三

維剪與鏹刈稂莠兮維鈇與鉞屈羣醜兮

帝臨辟雍薦嘉卣兮翩翩飛鶚集我林藪兮來獻其驄
亦恐後兮百辟卿士拜稽首兮桓桓虎臣萬里是守
天子之德達於九有

右屈羣醜十六句



皇清文頴卷五十五